

# **Universitätsbibliothek Paderborn**

## **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. IX. De Introitu.

[urn:nbn:de:hbz:466:1-48307](#)

VII. Et si verò hæc incensatio, si, quæ hactenus dicta sunt, bene considerentur, nullam videatur difficultatem contine-re, quia tamen Tirones plerumque similes cæmonias facilius capiunt, si picto quadam vel sensibili schemate ipsorum phantasia juvetur, poterit illis hunc in finem sequens schema prodesse, utpote in quo ordo ductuum in incensatione facien-dorum per numeros indicatur.

## TITULUS IX.

## DE INTROITU.

## Ritus Communis.

I. **D**icitur semper Introitus, præterquam in Sabbato sancto.

II. Ad initium signum Crucis manu à fronte ad pectus producit Celebrans, & subinde junctis manibus Introitum prosequitur. In Missa tamen pro Defunctis non se, sed librum Crucis per manum in aëre formata signat.

III. *Gloria Patri*, ad quod caput versùs Crucem inclinat, semper dicitur, exceptis Missis pro Defunctis (ubi *Requiem* illius loco dicitur) & à Dominica Passionis usque ad Pascha, si de Dominica aut Feria dicatur Missa. In Missis enim de Festis (& votivis de Passione & Cruce, sive extra, sive intra tempus Passionis lectis) non omittitur. Arnaud, tr. I p. 4. tit. 17. n. 4.

IV. Tempore Paschali ante Versum duplex Alleluja ad ditur.

V. Post dictum Introitum ad medium accedit, & facta Cruci reverentiâ profundâ, novies *Kyrie* & *Christe eleison* alternatim cum Ministro dicit. Caveat tamen, ne non ludiabilem quorundam morem secutus in ipso ad medium accessu hæc verba reciteret, sed exspectet, donec in medio sumus constiterit, ipsique Cruci reverentiam fecerit.

## Ritus Solemnis.

I. Ubì dixerit Introitum, non accedit ad medium, sed eodem loco apud librum consistens dicta *Kyrie eleison* alternatim cum Ministris dicit. Quod etiam tunc observandu-

Bau

fun;  
ntine-  
s faci-  
orum  
hema  
acien-

ORDO INCENSATIONIS ALTARIS. Pag. 32





*in ipsa Missa observandis.*

33

Bauldrius p. 3. c. 21. n. 9. & Corsettus c. 13. n. 3. ajunt, quando sine Diacono & Subdiacono Missa cantatur.

II. Dictis *Kyrie*, si tempus & ratio Missæ patiatur (nam exposito Venerabili sedere non convenit, nisi specialis ratio aut consuetudo id exigat) factâ Crucis reverentiâ, breviori viâ descendit ad sedem, accipit à Diacono Birretum, tegit, & manibus super genua modestè expansis sedet.

## TITULUS X.

### DE HYMNO ANGELICO.

*Ritus Communis.*

I. **D**icitur hic Hymnus, quotiescumque in Officio (si cum Missa hoc respondeat) dictus est Hymnus Ambrosianus, excipe Missam Feriae s. Cœnæ Domini, & Sabbati sancti, ibi enim dicitur, licet in Officio non sit dictus Hymnus Ambrosianus.

II. Dicitur præterea in Missis votivis SS. Angelorum, & B. MARIAE in Sabbato, omni & Solo (in alijs enim Missis votivis ejusdem extra Sabbatum non dicitur, nisi Templum habeat speciale Privilegium, ut Lauretana ædes) sive de ea dictum sit Officium (uti aliquoties intra annum contingit) sive non. An verò hæc Missa B. MARIAE in Sabbato votiva dicenda sit, disputant Rubricistæ, quæ tamen lis est de nomine tantum, facilèque decidi potest, si Missæ votivæ propria appellatio attendatur; cum enim hæc propriè ea dicatur, quæ ad arbitrium Sacerdotis, & non ex præscripto Rubricarum dicitur (uti suo loco videbimus) rectè infertur, Missam eam, quæ ex præscripto Rubricæ de B. MARIA in Sabbato dicitur, propriè votivam dici non debere. Neque obstat, quod in Adventu cum Officio non concordet, hoc enim non esse signum Missæ votivæ ex eo patet, quod etiam Missa de Vigilia infra Octavam occurrente non concordet cum Officio, nec tamen propterea votiva dicatur. Quia tamen facile contingere potest, ut aliquis ob gravem causam in Sabbato, in quo Festum novem Lectionum, aut Feria Major, cui cedit B. MARIA in Sabbato, Missam de B. Virgine legere velit, in tali casu, cum non ex præscripto Ecclesiæ, sed

*Instruct. I.*

C

pro-

